

.. بَحَبُ الناس

دوّرت كثير... مش لاقى الناس!!
قالوا.. سلامتك وسلامة الشوف!!
دَ مافيش حوالينا غير زحمة وناس
أشكال ألوان من كل مقاس
وجيَّ تسألنا فين هما الناس؟؟!!

....

سامحونى ياخونا...
ما اقصدش بشر.. أنا أقصد ناس
فيها إنسانية والحبُّ أساس
حب للخير.. لِأُخُوهِ وَلُغَيْرِ
لو جاره إحتاجه يلاقيه جنبه
يعينه على هَمِّهِ ويشيل عنه
ويجبرى المشوار ويجبيله دواه!!

....

بدّور على ناس لها قلب كبير



نُضيف شفاف مَليان إِحساس
وبعزة نَفْس تَلاقِيه شَغال
طُول ما هو قَادر يَساعد الناس
مِش مَادِدْ إِيده للصِداقات
وعالة على غِيره رَغم العِصلات!!
عَرَض وُطول وكلامه كَثير
ويشكى على طَول مِش عَاجبه الحال
من زَوجه وأَكثر وكُتر عِيال
زَحمة حَوالِيه وعمره ما فِكر
لو مِش قَادر على مِصاريفهم
خلفهم لِيه... خَلفهم لِيه؟؟
....

«جَنسنا» رَبنّا مَيزه بالعِقل
إِسعَى يا إنسان تَلاقِينى مِعاكَ
دِ أَمانة وَقَبلت تَشيّلها
إِزرع عَمر والكل مِعاكَ
ولجَل تَصونها خَليكَ إنسان
ليقولوا عَليك زى ال....!!